

пространнее како подобають быти монастырие от прьваго правила събравшагося събора в храм святых апостол и от прьвья главы правила грани четвертыя книги царьств, яже есть глав 52, 123-го Устиниана новаго закона, еже вькратце поставлено есть, в 1 главе 11 грани настоящиа книги.

Вьпросит же кто: Какым съхранениемъ вещи монастырьскыа съблюдатися правило повелеваетъ и кая суть сиа? И неции убо реша, яко подобаетъ вся монастырьскаа подвижная и неподвижная, якоже и самыя те монастырие да съблюдаются неотводне цела и некосновенна.³ || Мне же видится, яко правило зде о стражьбе глаголетъ велие и сиречь о наивышшем прилежании, зане пристоящихъ им неподвижныхъ, тако же и некоиыхъ освященныхъ съсуд, некогда попускается продание. И прочти весмя втораго титла 5 книги царств, учащие от благословесныхъ некоиыхъ вин не токмо заложити церковная неподвижнаа и священныя съсуды, но и продати всякымъ продааниемъ, понеже глаголетъ попускающиа осквернятся монастыри, да будутъ повинни правилнымъ запрещеньемъ. л. 320 об.

Вьпросит же некто: Коа суть сиа? Да веси убо, яко 13 правило седмаго събора глаголет, оскверняющихъ священная и не отдающе в прежний чин, аще освященни суть, да извергутся, аще же прости мниси, да отлучатся чести. И 49 правило събора, събранаго в Трулеполатнем, събора седмаго правило 12: Аще кто епископ обращается или игумен от автургии, сиречь от самоплодныхъ стяжаний, епископия или монастыря отдасть или продасть, или в насажение дасть, или променит поруку велможа некоего, или иному человеку отдасть на время, уреченое, да будетъ отменно сие отдаание по правилу" || святыхъ апостол, глаголющему всехъ церковныхъ вещей епископ да имать попечение, и да управляетъ тая аки богувидащу, ниже лепо есть ему присвоити что от тех, или сродником своимъ яже суть божиа даровати, аще же убози суть, да подасть им акы убогимъ, и да не ихъ ради яже суть божиа продасть. Аще же вину вносит, яко убытокъ творит и ничто к угодию бывати стяжанию, ни тако велможамъ в техъ местахъ бывающимъ, да продасть место то или клирикомъ, или земледелателем. Аще же коварьствомъ злымъ обычествуютъ, но у земледелца или клирика купитъ велможа²⁶ то стяжание, и тако ни во что да будетъ продание то, и стяжание отдасться епископии или монастырю, а епископ или игумен сие сътворивый, изгонится, епископ убо от епископства, а игумен от игуменьства, аки расточихвшиа, яже не събраша.* Рече Моисеомъ богъ: Приносимаа богу да не пременяются, но неподвижна да пребудут, аще и хужьша суть заяже пременяются; аще же глаголетъ пременяя, преминиши то, да будетъ то и выменено свято господеви. Глаголетъ бо правило: Не продатися ниже отдатися от епископа или игумена какову нибудь человеку самоплоднаго стяжания епископия и⁴ ||ли монастыря; аще же ни, да будетъ ни во что оно продание или л. 321 об. отдаение. По 38-му правилу апостольскому прилагаетъ же яко, аще вину вводитъ епископ или игумен стяжанию быти бесъприхода и церквамъ убытокъ наносящу, отдаание убо того да будетъ, обаче не велможамъ, но клирикомъ или поселяномъ. Понеже бо можаху неции превратити правила, повелеша отци, яко аще некогда коварьствомъ приидетъ в силнаго руку церковная вещь²⁷ посредствомъ простаго человека или клирика, показавшимъ себе, взяти оно неподвижное стяжание, да и сие ни во что да

³ На нижнемъ поле л. 320 киноварью написано воскресномъ. ⁴ На нижнемъ поле л. 320 об. киноварью написано вкратце. * Противъ этого места на поле написано Толк.

¹ На нижнемъ поле л. 321 киноварью написано августа 1-й.

²⁶ Такъ Т; в рук. велможъ. ²⁷ вещи Т.